

SANITÉ: L'apoteca Pütia a Picolin é stlütta dai 21 ai 28 d'otober 2018.

SAN MARTIN Y LUNGIARÜ

Tla Ciasa de Palsa sarál dai 20 d'otober inant la mëssa dl dedolönesc nia plü dales 9.00 mo dales 9.30.

Invit al'ora de oraziun de Taizé sö Oies en vëndres, ai 19 d'otober dales 20.00

„Nosc Pan da vigni de“ – En dedolönesc, ai 16 d'otober, é le De Mondial dla Nudriziun“. Chësc de nes recorda l'importanza dl pan sciöche spëisa por l'umanité. Bele dan da 22.000 agn se nudrî la jënt cun pan. Da laota incá á le pan cialé na importanza zentrala te nosta vita tambëgn tla nudriziun co tla religiun. Le pan é diventé un di simboi cristians plü significatifs. Savëise, por ejëmpl, olache le pan vëgn dant? Propi tl Paternoster periunse do le pan da vigni de, do la spëisa por le corp y l'anima. Da canche Gejú á multipliché i pans por pascenté la jënt, é le pan ince diventé le simbol por le partí, che nes inviëia demeztru da lascé pomez ince i atri a nosta mësä. (*Sonntagsblatt*)

LUNGIARÜ

En la Segra recordunse la consecraziun dla dljia, sciöche so compliann; en la festa dl patrozine de Santa Lizia festejëia la dljia da Lungiarü so santinom.

le Ploan

Maraties psichiches – canch'an perd la ligrëza y la crëta da vire. Co pói pa vire impara?

Domisdé cun Siur Tone Fiung ai 18 d'otober 2018 dales 15.30 tla Stüa da Oies a Badia en ocasiun dl'incuntada dl grup de aiutoaiüt „Atmosfera“ Les depresciuns, têmes o fobies é maraties cun chëres che tröpes families y porsones é aldedaincö confrontates deache vignun pó tomé ite. Al é cosses che fej pert de nosta realté moderna, porchël dessun capí, ci ch'an pó fá, co ch'ara vá da azeté de te situaziuns mo dantadöt ch'an dess se lascé daidé.

Le Consëi de Formaziun y la biblioteca „Angelo Trebo“ inviëia a na sëra de informaziun sura le tema: Davagn de basa (Grundeinkommen) por düc, n bel som o na idea nezesciara por combate la meseria y mudé le sistem sozial? La sëra vëgn tignida a Al Plan tla biblioteca „Angelo Trebo“ en jöbia, ai 18 d'otober, dales 20.00, da Sepp Kusstatscher.

Curs de ginastica por de pici mituns: La Uniun dl Sport Diletantistich da San Martin organisëia n curs de ginastica por de pici mituns cun Wally Kaser che mët man en dedemesaledema ai 17 d'otober y che vá inant por 6 iadi. Le curs vëgn tigní tres le dedemesaledema dales 15.30 ales 16.30 tla palestra da San Martin. I mituns cina 3 agn dess gní acompagná. Le curs é preodü por mituns y mitans da 0 a 6 agn. Le pröm iade é debann. Infos y prenotaziuns le pröm de te palestra o pro Wally 348 5198620.



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

14.10. – 21.10.18 nr. 46

ultimo termo por comunicaziuns: jöbia dales 20.00
radio: 90,40 / 93,70

28^a DOMËNIA – Ann B

Vangele do Merch 10,17-30

N ël ti é salté adincuntra a Gejú s'á injenedlè jö y l'à damanè:

Bun maester, cî mësü pa fá por davagné la vita eterna?

Gejú ti á respognü: Tö conësces pö i comandamënc:

Te ne desses nia copé

Al ti á respognü: Maester, düc chisc äi osservé da jonn insö.

Dailò ti á Gejú ciarè ados, y deach'al ti orô bun, ti àl dit:

Öna na cossa te manëia ciämò:

Va y vënn ci che t'as,

dài i scioldi ai püri

y t'aras n tesur tl cil;

spo vî y vîme do!

Mo chël á cialé la ria

canch'al á aldî chësc

y é jü cun tristëza demez;

deach'al á n gran avëi.



Te chël jonn rich ne se destodará plü dessigü nia ia le dejier do la vita eterna. Ince sc'al n'é nia bun da se destaché te n iade da so avëi, ne lasciarál Gejú nia fora de sü edli, al ti jará impó do, mo ston intant dainciará. Forsc darál ia de süa richëza can chësc can l'ater.

Y do da n pez jarál indô da Gejú y le damanará:

Ci dessi pa ciámó fá por mia vita eterna?

Al jará a le chirí deach'al á dötaurela imënt la odlada che Gejú ti á dé.

Gejú ne le coiona nia, al ne ti tira dant nia, al n'é nia dessené impara - nou, al l'abracëia,

deach'al sá y pó s'imaginé tan ri ch'al é da se despartí dal avëi.

Y deache le dejier de chël jonn é sinzier, sarál n de plü sterch co so avëi.

Forsc jarál n de da Gejú cun nia, che le tëgn plü indô, y dijará:

Chiló sunsi. Y Gejú ne le lasciará nia plü fora de sü brac. (do M.Becker)

	SAN MARTIN	LUNGIARÜ	UNITÉ PASTORALA  VAL BADIA
14.10.18 28^a DOMËNIA – Ann B L'UNITÉ PASTORALA <i>inviëia al'Edema dla Fede</i> <i>ch'i tignun en chëst'edema</i>	9.00 Corona d'otober 9.30 Gran Mëssa dla comunité <i>Scomenciamënt dl'edema dla fede</i> <i>te vigni ploania</i>	SEGRA DLA PLOANIA DA LUNGIARÜ 7.55 Corona d'otober 8.15 Gran Mëssa dla comunité fam. Pio Pescoller 15.00 Corona tla capela de S. Ujöp Fr. <i>Scomenciamënt te vigni ploania</i>	EDEMA DLA FEDE “Credo, credo, i cherdun” Domënia, 14 d'otober: Scomenciamënt te vigni ploania Lönesc, 15 d'otober, dales 20.00, a Corvara tl salf de calonia “Mia fede al prigo?” cun siur U.Fistill, Valentin Erlacher, Renate dl Capella y Paula Tasser Dedolönesc, 16 d'otober, dales 20.00, a Al Plan te dljia “I Salms” cun siur Iaco Ploner Jöbia, 18 d'otober, dales 20.00, a Badia tl salf dles uniuns “Sëra söla Confermaziun” cun Markus Felderer y Team Vëndres, ai 19 d'otober, dales 20.00, a La Val te dljia: La Pasciun cun l'Uniun dl teater y le Cor de dljia Sabeda, ai 20 d'otober, dales 20.00, “Cianties de fede” cun i cors de dljia da San Martin, La Ila y Lungiarü y Cor dles Ères d'al Plan Domënia, 21 d'otober, dales 17.15 da San Linert “Prozesciun cun ciandëres” y dales 18.00 “Funziun de conclujiun” sò Oies al cianta le Cor Philia
15.10.18 Lönesc Tarejia d'Avila, Aurelia	20.00 Corvara/calonia “Mia fede al prigo?”	20.00 Corvara/calonia “Mia fede al prigo?”	
16.10.18 Dedolönesc De Mondial dla Nudriziun Margareta M. Alacoque,, Hedwig	15.30 Mëssa a Bioch en onur de S. Maria da Lourdes + Oliva Dasser Prousch 20.00 Al Plan “I Salms”	20.00 Al Plan “I Salms”	
17.10.18 Dedemesaledema Ignaze d'Antiochia, Anselm	18.00 Corona d'otober	7.30 Mëssa vis y defunc de Maria y Angel Sorá de rengraz. fam. Stefo Moling dedô Corona d'otober	
18.10.18 Jöbia Lüca Vangelist	07.30 Mëssa di scholars + Maria Crazzolará + Robert Tolpeit Corona por vocaziuns 20.00 Badia/Salf Uniuns “La Crejima”	20.00 Badia/Salf Uniuns “La Crejima”	
19.10.18 Vëndres Paul dla Crusc, Isach	18.30 Adoraziun chîta 19.00 Adoraziun deboriada 20.00 La Val “La Pasciun”	7.30 Mëssa + + fam. Manfred Chiusura dl ann por Florian y Anna Clara 20.00 La Val “La Pasciun”	
20.10.18 Sabeda Wendelin, Vitalis	15.30 Mëssa tla Ciasa de Palsa 18.00 Mëssa prefestia dl ann + Cristina Conrater + Rosalia Chizzali Ploner, Ju 20.00 Concert - cianties de fede cun 4 cors	<u>degöna mëssa prefestia</u> 20.00 San Martin te dljia: Conzert – cianties de fede cun 4 cors	
21.10.18 29^a DOMËNIA – Ann B Domënia dles Misciuns Segra de düc	9.00 Corona d'otober 9.30 Gran Mëssa dla comunité 17.15 Prozesciun da S Linert sò Oies 18.00 Funziun de conclujiun sò Oies (degöna s. mëssa)	7.55 Corona d'otober 8.15 Gran Mëssa dla comunité y rengraziamënt dla racoiüda 15.00 Corona tla capela de S. Ujöp Fr. 17.15 Prozesciun y conclujiun dl'edema dla fede sò Oies	